

屬風此孫真人預戒也宜早治之

河間大荳孽散

治周痺走注五臟留滯胃中結

聚益氣出毒潤澤皮毛補腎

大荳孽一升炒香熟為末

每服五分溫酒調下空心服加至一錢日三

服本草云大荳消淤血破婦人惡血治熱

痺筋掣膝痛古人多用酒沃豆孽取汗蓋表

藥也

犀角湯

治熱毒流入四肢歷節腫痛

犀角

兩二

羚羊角

兩一

黃芩

梔子

射干

大黃

升

麻各四兩

豉升一

每七八錢水二鍾煎服

張子和治一稅官風寒濕痺腰脚沉重浮腫夜則

痛甚兩足惡寒經五六月間猶綿纏靴足膝皮

膚少有跣露則冷氣襲之流入經絡其病轉劇

走注上下往來無定其痛極處便卒急而腫起

肉色不變腠理如虫行每遇風冷病必轉增食

減肌體瘦乏起須人扶所服者烏附姜桂種種

燥熱燔針者多莫知其數前後三年不愈一日

予脉之其兩手皆沉滑有力先以導水丸通經

NATIONAL CENTRAL LIBRARY, TAIWAN, R.O.C.

散各下服是夜瀉三十餘行痛減半漸服赤茯苓湯川芎湯防風湯此三方在宣明論中治痺方是也日三服煎七八錢藜藜然汗出余欲作玲瓏竈法薰蒸血熱必增極諸汗法古方中多有之惟以吐法者世罕知之

丹溪控涎散

治身及脇走痛痰核死血加桃仁

泥丸治走注疼痛

葳靈仙

梔子炒

蒼朮

當歸各一錢

川芎七分

肉桂分桃仁箇七

甘草

生薑片五分

水二盞煎半乾入童便半盞竹

瀝半盞熱服忌肉雞麵

定痛方

治一切風濕痺痛

乳香

沒藥

地龍

木鱉子肉

金星石

五靈脂

等分

蜜丸彈子大每十九臨卧酒下

升麻湯

治熱痺肌肉熱極體上如鼠走唇口反

縱皮毛黑兼治諸風

升麻兩

茯神

人參

防風

犀角鎊

羚羊角

羌活兩

各一官桂

錢五

每服五六錢生薑下塊搗碎竹瀝少許同煎

至下盞溫服

八珍丸 治痛風走注脚氣頭風 乳香 沒藥

代赭石 穿山甲 生用各三錢 羌活 草烏 生用各五錢

全蝎 二十一分 川烏 生用尖一兩 右末醋糊丸梧

子大每服十十九

四妙散 治痛風走注 葳靈仙 酒浸五錢 白芥子 一錢

蒼耳子 一錢五分又云是蒼朮 羊角灰 二錢 右末每服

一錢姜下太片搗汁入湯調服 二妙散同

調尤妙

濟生羗活湯 治白虎歷節風毒攻注骨節疼痛

發作不定 羗活 兩二 附子 炮去皮臍 秦艽 桂心

甘草 炙 木香 牛膝 酒浸 桃仁 骨碎補

川芎 當歸 防風 各一兩 姜五片每服五片

錢水煎

○痛痺 丹溪編為痛風門今改之

丹溪痛風論曰痛風者四肢骨節走痛也他方謂之白虎歷節風夫氣行脉外血行脉内晝行陽二十五度夜行陰二十五度此平人之造化也得寒則行遲而不及得熱則行速而太過内傷

于七情外傷於六氣則氣之運或遲或速而疾
作矣彼痛風者大率因血受熱已自沸騰或再
涉冷受濕取涼或坐卧當風熱血得寒汚濁凝
澁所以作痛夜痛甚者行於陰也治當以辛熱
之劑流散寒濕開發腠理則血行氣和而愈然
亦有數種治法不能無少異也因濕痰濁血流
注為病以其在下焦道路遠非烏附氣壯者不
能行故用為引經若以為主治非惟無益而有
殺人之毒此病必行氣流濕舒風導滯血補新

血隆陽升陰治有先後須明腫與不腫可也不
可食肉屬火大能動火素有火盛者小水不
能制若食肉厚味下有遺溺不已上有痞悶之
甚雖魚麵醬醋酒皆斷之先以二陳湯加酒浸
白芍藥少佐以黃連降心火看作何應而為之
生子曰按丹溪不以痺分門而以痛風分門謂
血先受熱而後受冷濕乃所以為痛夜痛甚行
於陰也及戒人不可徒以烏附為主斯言不惟
補前人之餘蘊而猶有深意存焉者實懲時俗

與脚氣痿証混治之悞而另立痿門脚氣門分
治之而又另分麻木為一門者此尤有見也麻
木固亦有濕有痰所致者而氣血不足居多分
而治之良有特識設一槩而作風寒濕治則虛
虛之禍無有窮已不獨麻木為然而行痛者三
痺其中未能無虛者或又作風寒濕治用踈
風剛燥之劑太過而氣血為之暗損或氣血先
虛而後受邪經曰邪之所湊其氣必虛此皆不
可以不慎也陳無擇謂有支飲作痺此均有補

于經文者誠以今之患痛痺者歷之每々如丹
溪無擇所論治驗數條猶其精工故畢錄為法
大法用蒼朮南星川芎白芷當歸黃芩在上者加
羌活桂枝桔梗葳靈仙在下者加牛膝防己木
通黃柏治痛風取薄桂者以其味淡獨此能
橫行手臂領南星蒼朮等藥至痛處
一方四物湯加桃仁牛膝陳皮茯苓甘草白芷龍
膽草在上屬風在下屬濕加藥同俱倍之桂等
分無桔梗氣虛者加蒼朮龜板痰加南星血虛
加芎歸佐以桃仁紅花



因痰者二陳湯加酒炒黃芩羌活蒼朮

因濕者蒼朮白朮之類佐以竹瀝及行氣藥或曰有濕鬱而

周身走痛者或關節間痛

因於風者小續命湯極驗

因血虛者芎歸之類佐以桃仁紅花

肥人多是濕與痰飲流注經絡

瘦人多是血虛與熱

下部有濕腫痛防已龍膽草黃柏知母固是捷藥
若肥人病此宜蒼朮白朮南星滑石茯苓之類

瘦人宜當歸紅花桃仁牛膝檳榔等同用

上中下痛風黃柏酒炒蒼朮米泔浸南星各二神麴

炒合芎各一龍膽草分五白芷防已桃仁各五

錢歲靈仙酒洗桂枝羌活各三紅花酒洗一分

右為末麴糊丸食前下百丸歲靈仙治上體痛風虛弱勿用

肢節腫痛痛屬火腫屬濕兼受風寒而發動于經

絡之中濕熱流注肢節之間而無已也用麻黃

去根赤芍藥各一防風荆芥羌活獨活白芷蒼

朮歲靈仙片苓枳實桔梗乾葛川芎各五分甘草

歸尾升麻

各三分

下焦加酒炒黃柏婦人加酒炒

紅花腫多加檳榔太腹皮澤瀉更加沒藥錢一定

痛尤妙

下云脉瀯數者有瘀血宜桃仁紅花芩歸及大黃微利之

氣血兩虛有痰濁陰火痛風人參山藥海石南星

各一兩

白木熟地黃柏

炒黑龜板

酒炙各二兩

乾姜

炭瑣陽

錢五

右為末酒糊丸

二妙散

治筋骨疼痛因濕熱者有氣加氣藥血

虛加血藥痛甚者加生姜汁熱辣服之黃柏

炒

蒼木米泔浸

右為末沸湯入姜汁調服

二物皆有雄壯之氣表實者加酒少許佐之

若痰帶熱者先以舟車丸或導水丸神芩

丸下伐後以趁痛散服之甘草二錢為君加

陳皮芍藥各一錢酒炒歲一錢半錢服之佳

趁痛散

乳香

沒藥

桃仁

紅花

當歸

羌活

地龍酒炒

牛膝酒洗

甘草

五靈脂

酒炒

香附

童便浸

右為末每服二錢酒調

或加酒炒

潛行散

黃柏酒浸為末入湯藥調服

治酒濕痰痛風

黃柏酒炒

歲靈仙

酒炒各五錢

蒼木

羌活 甘草三錢 陳皮 芍藥各一錢 右為末

每服一錢或二錢沸湯入姜汁調服

治氣實表實骨節痛方 滑石飛六錢 甘草一錢 香附

片苓各三錢 右為末姜汁糊丸梧子大每服五

七十九白湯吞下

治食積肩腿痛 龜板酒浸炙一兩 酒栢葉 香附五錢

辣芥子 凌霄花一錢半 右末酒糊為丸桐子

大煎四物湯加陳皮甘草湯下

丹溪治一男子家貧多勞秋涼忽渾身發熱兩臂

膊及腕兩足并膝皆疼痛如燬晝輕夜劇醫與風藥則增痛與血藥則不効惟待斃而已脉之兩手俱濡而數右甚于左飲食則如平時形瘦削蓋大痛而瘦非病也用蒼朮酒黃栢各一錢生附子一片生甘草三分麻黃五分研桃仁五箇作一帖煎入姜汁些少令辣服至四帖後去附子加牛膝一錢至八帖後來告急云氣上喘促不得睡痛似微減意其血虛因服麻黃過劑陽虛被發動而上奔當與補血鎮墜及酸劑收

之遂以四物湯加川芎芍藥人參二錢五味子
十二粒與二帖服之喘隨定是夜遂安三日脉
之數減大半澁脉如舊問其痛則曰不減然呻
吟之聲却無察其起居則疲弱無力病人却自
謂不弱遂以四物湯加牛膝白朮人參桃仁陳
皮甘草檳榔入姜三片煎服如此藥與五十帖
而安一月後因負重檐復痛作飲食亦減再與
此藥加黃芪三分又二十帖全愈
一人年踰六十性急作勞患兩腿痛動作則痛甚

視之曰此兼虛証當補血則病自安遂與四物
加桃仁陳皮牛膝生甘草煎入姜研潛行散熱
飲三四十帖而安
何縣長年四十餘形瘦性急因作勞背痛臂疼骨
節疼足心發熱可與四物湯帶熱下大補丸保
和丸共六十粒食前服
婦人脚疼怕冷夜劇日輕 生地 白芍 歸
尾 各五錢 黃柏 炒 黃芩 白朮 右分四帖水煎
帶熱服

鮑子年二十餘因患血痢用滋藥取效後患痛風
 喊叫撼隣里予視之曰此惡血入經絡證血受
 濕熱久為凝濁所下未盡留滯隧道所以作痛
 經久不治恐成枯細遂與四物湯桃仁紅花牛
 膝黃芩陳皮甘草煎生姜汁研潛行散入少酒
 飲之數十帖又與刺委中出黑血近三合而安
 朱閩內年三十味厚性急患痛風挛縮數月醫不
 應予視之曰此挾痰與氣症當和血疎痰導氣
 病自安遂以潛行散入生甘草牛膝枳殼通草

陳皮桃仁姜汁煎飲半年而安
 陸即左腿又骨舊痛小便赤澁此積憂痰涎所為
 白木 枳殼 赤芍 條芩 連翹 通草
 甘草稍 三分 右剉水煎服
 婦脚又骨痛 蒼木 白木 陳皮 芍藥
 木通 錢二 甘草 五分 分二服送太補丸五十
 粒 君丹溪治痛風法主於血熱血虛血汚或
 挾痰皆不離四物潛行牛膝甘草桃仁陳皮
 蒼木姜汁而隨症加減發前人之餘蘊醫世



俗之所不能醫其有功於後人也大矣
凡痛在胃之脉絡者宜解食毒

許學士醫檢正患鼻額間痛或麻痺不仁如是
數年忽一日連口唇頰車髮際皆痛不開口言
語飲食皆妨在額與頰上常如糊手觸之則痛
予作足陽明經絡受風毒傳入經絡血凝滯而
不行故有此症或者以排風小續命透髓丹之
類與之皆不効製此犀角升麻湯贈之數日愈
犀角一兩 升麻 防風 羌活各三川芎

白附子 白芷 黃芩各五 甘草一分

右用四大錢水煎服食後臨卧各一服下日
共服四次是足陽明胃也經云腸胃為市又
云陽明多血多氣胃之中脘羶五味無所不
納如市廛無所不有也以其腐熟飲食之毒
聚於胃此方以犀角為主解飲食之毒也陽
明經絡環唇挾舌起于鼻合頰中循頰車上
耳前過客主人循髮際至額顛今所患皆下
經絡也故以升麻佐之餘藥皆滌降風熱升

麻黃芩專入胃經稍通者自能曉

海藏四物蒼朮各半湯 治肢腫不能舉動

四物湯蒼朮各半兩各煎服効與活血丹相表裏

活血丹 治遍身骨節疼痛如神與蒼朮四物各半湯相表裏

熟地黃兩三 當歸 白朮 白芍 續斷

人參兩各一 右末酒糊丸如桐子大

東垣蒼朮復煎散 治寒濕相合腦力痛惡寒項

脊強肩背脚卵痛膝膈痛無力行步能食身沉

重其脉沉緩洪上急蒼朮四兩水二碗煎至二大盞去渣入下

藥 羌活錢一 升麻 柴胡 藁本 澤瀉 白

朮各五分 黃柏分三 紅花分一 右用蒼朮二盞

煎至一大盞空心溫服微汗為効忌酒麵

緩筋湯 治目如火腫痛兩足及伏菟骨筋痛膝

少力身重腰痛夜惡寒痰嗽項頸筋骨背急痛

目多眵淚食不下 羌活 獨活各二 藁本

麻黃 草薺 黃柏 黃芩 歸身 生地

柴胡各三 生甘草分二 升麻分三 炙甘草 熟

地黃各二 蘇木分一 蒼朮分五 水二鍾煎下鍾服

羅太無活血應痛丸 治風濕客於腎經血脉凝滯腰背腫痛不能轉側皮膚不仕遍身麻木上攻頭目虛腫耳日常鳴下注膝重痛少力行履艱難項背拘急不得舒暢常服和血脉壯筋骨使氣脉宣通

金毛狗脊去毛 蒼朮米泔浸
 香附炒 陳皮兩 沒藥一兩 草烏炮
 威靈仙兩 右末酒糊為丸桐子大每服十五丸不拘時溫酒或熱湯送下忌食桃李雀鴿諸血物

烏靈丸 久患風寒痛風及麻木行步艱難

五靈脂兩 川烏去皮 右末酒糊為丸

子大每服十九丸加至五十九丸空心溫酒下忌

冷物

史丞相遇仙方 諸般痛風手足艱難筋骨疼痛

口眼喎斜言語蹇澁 附子炮 川烏製

當歸 川芎 肉荳蔻酒浸 杜仲姜汁 羌活

黃芪 人參 白朮 白芍藥 牛膝酒浸

防風 天麻 白茯苓 狗脊炒 單藓

續斷 獨活 肉桂 赤芍藥各一兩 虎脛骨酥炙

二錢 右以生絹袋盛之用無灰酒浸密封瓶

口春三日夏二日秋七日冬十日取出晒焙

乾為末酒糊丸桐子大用浸藥酒一盞空心

送下五十九忌生冷油膩葷腐麵食發風物

五加皮酒 治風濕遍身疼痛俗名痛風或腫或

癱或脚氣不能履動者 五加皮不拘多少入

白麴內同釀白酒飲之効

丹溪治環跳痛不已防生附骨疽方以蒼朮佐黃

栢之辛行以青皮冬加桂枝夏加黃芩體虛加

杜仲牛膝以甘草為使木料煎入酒深者恐木

栢桂枝十數帖發不動以少黃連一二帖又不

動者恐毒將成掘地成坑以火煨紅沃以小便

赤體坐其上以被席圍包下體使熱蒸腠理開

血氣暢而愈

仲景治婦人六十二種風及腹中血氣刺痛以紅

藍花酒主之 紅花一味以酒一大碗煎減半

頓服一半頃之再服

赤芍藥

虎脛骨

虎骨丸

治經絡疑滯骨節疼痛筋脉挛急遇陰

寒愈痛

乳香

沒藥

各另研

赤芍藥

熟地

當歸

虎脛骨

酥炙

血竭

各五錢

右末用木瓜丁

枚切破

去核入乳香

末在內以麻線纏定勿

令透氣好酒六升煮酒盡取木瓜去皮研如

泥更入熟蜜少許

杵和為丸桐子大每服五

十九看病三下服

麒麟散

治寒濕傳於經絡疼痛不可忍

血竭

乳香

沒藥

白芍

當歸

各六錢

水蛭

杵碎

烟

射香

各三錢

虎脛骨

酥炙

黃

右為末和勻每

服二三錢食前溫酒調下

統旨云痛痺五積散佳四肢挛痛關節浮腫殊効

治白虎歷節風及腫痛者以醃醋五升熱煎三四

沸切葱白二三升煮一沸瀝出布帛包裹患處

熨之以瘥為度

嚴氏蠲痺湯

治身體煩疼四肢項背拘急或疼

或痛重舉動艱難手足冷痺腰腿沉重筋脉無

方

當歸

芍藥

黃芪

羌活

片子姜黃

赤芍藥

三

三

各一兩 甘草錢灸五

每服六七錢姜枣煎服

獨活寄生湯

治肝腎虛弱感風濕致痺兩脛緩

縱痺弱不仁方出脚氣門

河間茯苓湯

寒氣勝者為痛痺宜通氣溫經尤

治四肢疼痛拘攣浮腫

赤茯苓

桑白皮各二

兩防風

官桂

川芎

芍藥

麻黃

去節各一兩半

每服六七錢枣一枚水煎服繼以姜粥投之

汗出愈

脚跟痛有血熱有痰血熱者四物加黃柏知母牛

膝之類痰用二陳加南星黃柏防已

肩背痛 附臂痛

肩背痛不可回顧者此太陽氣鬱而不行或脊痛
項強腰似折項似拔者此足太陽經不通二者
俱宜通氣防風湯有因濕熱有背沉重而痛者
當歸拈痛湯有因汗出小便數而欠者風熱乘
脾脾氣鬱而有背痛也當瀉風熱則愈宜升麻
柴胡湯有痰飲流注有背作痛宜星香散或導
痰湯有腎氣不循故道氣逆挾背而上致有背

作痛宜和氣飲加鹽炒小茴香少許有勞力或
看書著棋久坐而致脊背疼者補中益氣湯或
八物湯加黃芪背者胸之府肺主氣居胸中肺
氣滯則血脈泣肺氣虛則不能運行陽道肺中
有痰流注脊背皆能作脹疼

肩背痛乃肺分野之病經云西風生于秋病在肺
俞在肩背故秋氣者病在肩背太過為病在外
則令人逆氣背痛愠愠然也

臂痛 臂為風寒濕所搏或痰流氣滯或因提挈

重物皆致臂痛有腫者有不腫者因于風寒宜
五積散加羌活因于濕蠲痺湯多加蒼朮因於
痰導痰湯因於氣烏藥順氣散因提重傷筋用
劫勞散或和氣飲加姜黃蓋姜黃能入臂故也
有久坐卧為風濕所襲但遇外有寒邪所侵即
痛者宜羌活散有飲酒太過濕痰流注者用二
陳加南星蒼朮桔梗枳殼桂枝酒芩有血不榮
于筋者用四物加姜黃秦艽羌活有氣血凝滯
經絡不行所致者舒筋湯

控涎散 治肩背臂痛如神 方在行痺

控涎丹 加去油木鱉子一兩桂五錢治臂痛每服二十

丸加至三十九妙

丹溪治臂痛 南星 半夏 白朮 香附

酒苓各一錢 蒼朮二錢 陳皮 茯苓各五分 葳靈

仙三分 甘草少許

花麴散 治臂痛 紅花炒 神麴炒 為末酒調下

姜黃散 治臂痛非風非痰 姜黃 甘草 羌

活各一兩 白朮二兩 腰已下痛者加海桐皮常歸芍藥

東垣治臂痛分六道經絡看痛在何經絡之間以

行本經藥通其氣血氣通則愈矣若表上諸

痛若便擬下之則不可當詳細辨之

右東垣云認經絡用藥蓋以兩手伸直其臂貼

身垂下大指居前小指居後而定之則其臂膈

之前廉痛者屬陽明經以升麻白芷乾葛行之

後廉痛者屬太陽經以藁本羌活行之外廉痛

者屬少陽以柴胡行之內廉痛者屬厥陰以柴

胡青皮行之內前廉痛者屬太陰以升麻白芷

葱白行之內後廉痛者屬少陰以細辛獨活行
之并用灸法視其何經而取之也

通氣防風湯 肩背痛不可回顧者此太陽氣鬱

而不行以風藥散之脊痛項強腰似折項似拔
者此足太陽經不通也 羌活 獨活 各一

藁本 防風 甘草 各五分 川芎 葛荊子 各三分

水煎服

當歸拈痛湯 濕熱為病肢節煩痛肩背沉重胃
膈不利及遍身疼痛下注于足脛痛腫不可忍

方在脚氣門

加減當歸飲子 治肩背忽痛 當歸 防風

柴胡 生地 大黃 各一兩半 芍藥 黃芩 人參

各一兩 黃連 五錢 滑石 六兩 甘草 一兩

每服六七錢水煎

人參益肺散 治肩背痛汗出小便數而少者風

熱乘肺肺氣鬱甚也當瀉風熱則愈 升麻

柴胡 黃芪 各一錢 防風 羌活 人參 甘草

陳皮 各五分 藁本 三分 青皮 黃芩 白芷 各三分

示火氣味 一三三

水煎服如面色白脫色氣短者勿服

舒筋湯

臂痛不能舉有欠常左臂痛或以為飲

以為風以為濕諸藥悉試繼以針艾俱不効得

此方服之而愈蓋是氣血凝滯經絡不行所致

非風非飲非濕腰以下食前服腰以上食後服

又名通片子姜黃嫩四兩如無用甘草炙羌活

氣飲子各一赤芍藥海桐皮去外白朮當歸各二

每服五錢姜三片水煎臨服入磨沉香少許

治背痛

姜黃兩四

甘草炙

羌活

白朮

各一兩

每服一兩水煎

防風飲子

治項筋急痛諸藥不効者

黃芪

附子 甘草 蒼朮 陳皮 羌活 防風

桔梗 等分 每服五錢姜一片水煎

丹溪治一男子忽患背胛縫有一線痛起上肩跨

至脊前側脇而止其痛晝夜不歇不可忍脉絃

而數重取豁大左大于右夫背胛小腸經也此

必思慮傷心臟未病而腑小腸先病故從背

胛起及慮不能決又歸之於膽故痛至脊脇而

止乃小腸火乘膽木子乘母是為實邪詢之
果因謀事不遂所致故用人參四分木通二分
煎湯吞龍膽丸數服而愈

○著痺治劑

麻木同

經謂濕氣勝者為著痺河間曰著者留著其處而
不去或四肢麻木拘挛也經又曰其不痛不仁
者病久入深營衛之行澁經絡時踈故不痛皮
膚不榮故為不仁夫所謂不仁者或周身或四
肢活々然麻木不知痛痒如繩牯縛初解之狀

古方名為麻痺者是也靈樞曰衛氣不行則為
麻木丹溪曰麻是氣虛木是濕痰死血然則曰
麻曰木者以不仁中分而為二也雖然亦有氣
血俱虛但麻而不木者亦有虛而感濕麻木兼
作者又有因虛而感風寒濕三氣乘之故周身
掣痛麻木併作者古方謂之周痺治法宜先汗
而後補也當以類而推治

丹溪云十指麻木乃胃中有濕痰死血宜二陳湯
加蒼朮白朮桃仁紅花附子

脉法 脉沉而濡属氣虛閉前得之脉在上體閉後得之脉在下體也 脉浮而緩者属濕為麻痺脉緊而緩属寒為痛痺脉濇而乳属死血為木不知痛痒

東垣神効黃芪湯 治渾身麻木不仁或左或右半身麻木或面或頭或手臂或脚腿麻木不仁並皆治之 〇又治兩目緊急縮小羞明畏日隱澁難開或視物無力睛痛昏花手不得近或目少睛光或目熱如火服五六帖神効 黃芪

蔓荊子 各二兩 人參 甘草 炙 白芍藥 各一兩 陳皮

錢五 每服五六錢 如小便淋澁加澤瀉五分 如

有大熱症加黃柏炒三錢酒 如麻木不仁雖有

熱不加黃柏再加黃芪兩一 如眼縮小去芍藥

忌酒醋濕麵葱韭蒜大料等物及淡滲生

冷硬物 麻木重甚者加芍藥一兩 木通一兩

芍藥補氣湯 治皮膚間有麻木此肺氣不行也

黃耆 橘紅 甘草 炙 各 白芍藥 一兩 澤瀉

錢五 每服一兩水煎 如肌肉麻必待瀉營氣而

愈 如濕熱相合四肢沉痛當瀉濕熱此聚古立効神方
 東垣治杜彥達患左手右腿麻木大指次指亦覺
 麻木至腕已三四年矣諸醫不効脉之曰麻者
 氣之虛也真氣弱不能流通填塞經絡四肢俱
 虛故生麻木不仁與一藥決三日効遂製人參
 益氣湯服二日便覺手心熱手指中間如氣滿
 脹至三日後又覺兩手指中間皮肉如不敢觸
 者似痒痛滿脹之意知其氣已通至乃於兩手
 指甲傍各以三稜針一刺之微見血如黍粘許

則痺自息矣又為處第二第二方服之全安
 人參益氣湯 治五六月間兩手麻木四肢倦怠
 情嗜卧乃濕熱傷元氣也 黃芪八錢 人參
 甘草生各五錢 芍藥 升麻各三錢 柴胡半二錢 五味
 子一百二十粒 甘草錢二 每六七錢水煎空心
 服服後令少睡於麻痺處按摩屈伸少時午
 飯前一服日二
 第二次藥煎服如前 黃芪八錢 紅花五分 陳皮
 錢一 澤瀉錢一

第三次服藥

黃芪錢六

黃栢錢一分

橘紅錢三

白芍藥錢五

升麻

澤瀉錢各二

黃芩錢八

五味

子百粒

甘草

炙一分 生四分

分四帖煎服如前

秋涼去五味子
冬月去黃芩効

除濕補氣湯

治左腿麻木沉重

黃芪錢八

甘

草稍錢六

升麻梢

柴胡

當歸

澤瀉錢各二

甘

五味子百粒

十粒

紅花錢二

青皮錢四

陳皮錢一

分四服水煎熱服

活趙節使年七旬病體熱麻股膝無力飲食有汗

妄喜笑善飢痰涎不利舌強難言声啞不鳴身
重如山診得左脉洪大有力是邪客於經絡兩
臂外有數癥遂問其故對以燃香所致予曰君
之病皆此也夫人之十二經灌溉周身終而復
始盖手之三陽從手至表上行至頭加之用火
邪并於陽勢甚熾焉故邪熱毒行散于周身而
熱麻經云胃中有熱則虫動虫動則胃緩胃緩
則廉泉開故涎下熱傷元氣而沉重無力飲食
入胃慄悍之氣不循常度故多汗心火盛則妄

喜笑脾胃熱則消穀善飢肺金衰則聲啞不鳴
 仲景云微數之脉慎不可灸焦枯傷筋血難復
 也君奉養以膏粱之味無故加以火毒熱傷于
 經絡而為此病明矣乃製清陽補氣湯服之不
 旬日而愈

清陽補氣湯 蒼朮^{四錢} 藁本 知母^{酒浸} 當歸

甘草^{生各二錢} 柴胡 黃柏^{酒浸} 黃芪^{各三錢} 升麻

陳皮^{半二錢} 五味子^{半一錢} 每七錢^{水煎空}

洛李正夫人病診得六脉中俱弦洪緩相合按之

無方弦在其上是風熱下陷入陰中陽道不行
 其症閉目則渾身麻木晝減夜甚竟而目開則
 麻木漸退久則絕止常開其目此病不作悞其
 麻木不敢合眼故不得眠身體皆重時有痰嗽
 竟胃中常是有痰而不利時煩躁短促而喘肌
 膚充盈飲食大小便如常惟畏麻木不敢合眼
 為最苦觀其色脉形病相應而不逆內經曰陽
 盛瞑目而動輕陰病閉目而靜重又云諸脉皆
 属于目靈樞曰開目則陽道行陽氣遍布周身

合旨則陽道閉而不行如晝夜之分知其陽衰
 而陰旺也且麻木為風雖三尺之童皆以為然
 細按之則非如久坐而起亦有麻木假如繩縛
 繫之久釋之覺麻木作而不敢動久則自巳以
 此驗之非有風邪乃氣不行也不須治風當補
 其肺中之氣則麻木自去矣知其經絡陰火乘
 其陽分火動于中為麻木也當兼去陰火則愈
 矣時痰嗽者秋涼在外濕在上作也當實其皮
 毛以溫劑身重脉緩者濕氣伏匿而作也時見

躁作當升陽助氣益血微瀉陰火去濕通行經
 脉調其陰陽則非五臟六腑之本有邪也補氣
 升陽和中湯主之

補氣升陽和中湯

黃芪錢五 人參 白芍各三錢

甘草炙 佛耳草各四錢 陳皮 白木 歸身

各二錢 甘草腎生去熱 黃柏酒浸除濕瀉火 白茯苓除濕導火
 澤瀉同升麻 柴胡 草薹益陽退寒
上行明經

每服三五錢水煎稍熱服个帖愈

溫經除濕湯 李夫人冬寒霜時病作四肢無力

乃痿厥濕熱在下焦也醋心者是濁氣不降欲
 溺也合眼麻木者陽道不行也開眼不麻木者
 目開助陽道故陰寒之氣少退也頭眩暈者
 風氣下陷于血分不伸越而作也 羌活分七
 獨活 當歸 麻黃節去 黃柏分各三 白芍錢三
 柴胡 黃連 黃芪 草豆蔻 神麴 木香
分各二 陳皮 蒼朮錢各二 人參 甘草炙 白朮
 猪苓 澤瀉錢各一 升麻分五 分二服水煎熱
 服 治肢節沉重疼痛無力之聖藥也

濕氣風症不退眩暈麻木不已除風濕羌活湯主
 之 羌活兩各一 防風兩各一 柴胡 獨活 甘草炙
分五 藁本 陳皮 黃柏 川芎分各三 蒼朮
 黃芪錢各一 猪苓 澤瀉分各二 茯苓錢二 黃連分一
 升麻 每服五六錢水煎熱服 量虛實用如
 不盡症候依加減法用之
 濟世茯苓湯 治停飲支飲手足麻痺多睡眩冒
 赤茯苓 半夏 陳皮兩各一 枳實炒 桔梗
 甘草炙 各 每服五六錢姜三片水煎

赤茯苓

十六卷

九

宣明茯苓川芎湯 治着痺湿地水氣甚重着而

不去多汗而濡者着痺留注不去四肢麻木拘

挛浮腫 赤茯苓 防風 川芎 麻黃

芍藥 桑白皮 甘草 官桂 當歸 各五

束三枚水煎服如欲出汗以粥投之

五痺湯 風寒濕之氣客留肌體手足緩弱麻頑

不仁 片子姜黃 羌活 白朮 防已 各

兩 甘草 每五六錢姜三片水煎服

續斷丸 治風濕流注四肢浮腫肌肉麻痺

川續斷 當歸 蕪蘼 天麻 防風 大附

子 各一 川芎 半 乳香 沒藥 各五

煉蜜為丸 梧子大每四十九 溫酒米飲任下

又增減續斷丸 治寒濕之氣痺滯關節麻木疼

痛 人參 防風 鹿角膠 白朮 炒 各七

續斷 苳仁 山芋 牡丹皮 麥門冬 地

黃 桂心 山茱萸 白茯苓 石斛 各二

蜜丸 桐子大每服六七十丸 空心酒下

三痺湯 治血氣澁滯手足拘挛風痺等疾



川續斷 杜仲姜汁 防風 桂心 人參
 當歸 白朮 白芍藥 甘草 黃芪 牛
 膝 細辛各一兩 川獨活 川芎 秦艽 生
 地各五錢 每服六七錢 姜三片 枣一枚 水煎
 濟生黃芪酒 治風濕痺痛筋脉卒急身體頑麻
 黃芪 當歸 白朮 虎骨 華薛 雲母粉
 木香 防風 官桂 天麻 石斛 茵芋葉
 仙靈脾 川續斷 白芍藥 甘草各一兩
 用絹袋盛以好酒一斗浸之春五夏三秋七

冬十日每服一盞溫飲之常冷酒氣相續為佳
 宣明防風天麻散 治風麻痺走注肢節疼痛中
 風偏枯或暴瘖難語內外風熱壅塞 天麻
 甘草 羌活 防風 白芷 川芎 歸尾
 草烏頭 白附子 荊芥穗各五錢 滑石二兩
 右末熱酒化蜜少許調半錢加至一錢查藥
 力運行微麻為度煉蜜丸彈子大熱酒化下
 半丸或一丸細嚼白湯下
 衍義方 治風冷氣血閉手足體疼痛冷麻

五靈脂兩二 沒藥兩一 川烏頭炮一兩半 乳香錢五

右末水丸彈子大每十九丸生姜酒磨服

河間前胡散 治榮虛衛實肌肉不仁致令瘡重

名曰肉苛 前胡 白芷 細辛 官桂

白木 川芎各三兩 附子炮 吳茱萸 當歸

川椒去子并閉口者 以茶酒三升拌勻同窰

一宿以煉成猪脂膏五斤入藥煎候白芷黃

紫色瀝其渣成膏病在處摩之凡癩瘻瘡瘻

皆治併去諸風瘡痒痛傷折墜損凡摩內皆可用之

吳茱萸散 吳茱萸 肉豆蔻麵裹 乾姜 甘

草炙 神麴炒 砂仁各一兩 白木 厚朴姜製

陳皮各二錢 為末每服二錢空心米飲調下

腎瀝湯 麥門冬 五加皮 犀角錢半 杜仲

桔梗 赤芍藥 木通各一錢 桑螵蛸一箇

水二鍾入羊腎少許煎至八分食前服

加味五痺湯 治五臟痺症 人參 茯苓

當歸 白芍 川芎各一錢 肝心 五味子十五粒

細辛七分 白木一錢 脾 甘草五分 姜一片水煎

痺倍之

食遠服^ス 肝痺^ス加酸東仁柴胡^ラ 心痺^ス加遠
 志茯苓麥冬犀角^ヲ 脾痺^ス加厚朴枳實砂仁
 神麴^ヲ 肺痺^ス加半夏紫苑杏仁麻黃^ヲ 腎痺^ス
 加獨活官桂杜仲牛膝黃芪萆薢^ヲ
 活絡丹 治^ス手足羸拳筋脉不舒皆風邪濕毒留
 滯經絡^ニ渾身走注疼痛^ス 南星 川芎 草烏
 地龍^{各六} 乳香 沒藥^{各二} 為末酒糊丸^{桐子}
 大每服五七十九空心酒下^ス
 清涼潤燥湯 治^ス風熱血燥麻木^ヲ 當歸 生地

錢各半 黃連 黃芩 芍藥 川芎^{各一} 天麻
 防風 羌活 荆芥^{各八} 細辛^{分六} 甘草^{分五}
 水煎服^ス 麻甚者加^{川烏}炮過^{三分}以行^{經絡}
 止麻清痰飲 治^ス口舌麻木延及^{口角}頭面者^上
 黃連^{二錢} 貝母 瓜蒌仁 黃芩 茯苓
 桔梗 枳殼 橘紅 南星^{用白九皂角生姜}
 天麻 甘草 細辛^{各五分} 血虛加^{當歸}一錢 水
 煎入^{姜汁}一匙竹瀝三四匙食遠服^ス
 經驗三妙丸 治^ス濕熱下流兩脚麻木如火熱^ス

赤水集 卷之六 九

蒼朮兩六

黃栢酒炒兩四

川牛膝酒浸兩二

麵糊兩二

桐子大每服五七十九空心淡鹽湯下

仲景治血痺桂枝五物湯 血痺陰陽俱微外証

身體不仁如風痺狀 黃芪 桂枝 芍藥各三

兩生薑兩六 大棗枚十二 水六升煮取二升溫

服七合日三服

木香丸 腸痺腹痛時發發飧泄泄氣不消化化小便

秘澁 木香 白朮 官桂 蕪荑 良姜

訶子皮各一兩 附子炮 厚朴 肉寇各二兩 乾姜

分三 甘草半五錢 為末神麵糊丸桐子大每服

二十九空心姜湯吞下

○鶴膝風

羅太無蚘蚘丸 蚘蚘用頭尾全一條 桃仁生 白附子

阿魏 桂心 安息桃仁同研 白芷各一兩 乳香

沒藥已上童便酒浸炒熟各三分 北漏蘆 當歸 白芍

牛膝 羌活 地骨皮 威靈仙各一兩 蜜為

丸彈子大空心酒化下 一丸昔有人病風痺

手足指節皆如桃李痛不可忍服之悉愈

宣明方安息用
胡衮穰全研

丹溪治一人年七十患膝腫痛此血虛而挾濕熱

也 生地 當歸頭 白芍 蒼朮 黃柏炒各

三錢 川芎 桂錢二 木通半一錢 分四帖水煎熱服

又一人年近三十厚味多怒秋間解樞左右一點

發痛延及膝晝靜夜劇痛劇惡寒口或渴或不

渴或痞或不痞醫多用風藥兼用補血至次年

春其膝漸腫痛愈甚食愈減形瘦至春末膝腫

大不可屈伸其脉左弦大頗實寸瀦甚大率皆

數知其小便必數而短乃作飲食疲積在太陽

陽明治之炒柏一兩生甘草梢犀角屑蒼朮鹽

炒各三錢川芎二錢陳皮牛膝木通芍藥各五

錢遇暄熱加條芩三錢為細末每三錢與生薑

汁同研多少以水盪起煎令沸帶熱食前飲之

丁日夜四次至半月後數脉漸減痛漸輕去犀

角加牛膝龜板半兩當歸半兩如前服又半月

腫漸減食漸進不惡寒惟脚膝痠軟未能久立

又行去蒼朮黃芩時當夏熱加炒黃柏至一兩

赤... 卷... 九...

半依本方內加牛膝春夏用莖葉冬用根杵取汗用之効尤速須新酒肉濕麴胡椒當神夏加生地半兩冬加茱萸桂枝

接骨丹 治諸風及鶴膝風 防風 牛膝

當歸 虎骨酥炙各一兩 枸杞子二兩 羌活

獨活 龜板 秦艽 華解 松節 二蚕沙

各一兩 茄根二兩 蒼朮四兩 酒糊九 空心服

脚筋急痛 淡酒煮木瓜令爛作粥樣用裹痛處冷則易下宿三五度便瘥

○攣

經云肝氣熱則筋膜乾筋膜乾則筋急而攣又曰

濕熱不攘大筋綆短小筋弛長綆短為拘弛為

丹溪曰大筋綆短者熱傷血也不能養筋故為拘

攣小筋弛長者濕傷筋不能束骨故為痿弱

皆屬於肝之主筋故也

丹溪治王秀濕熱大作脚痛後手筋拘攣足乏力

生地 當歸 川芎 白朮各二錢 蒼朮半錢

木通 甘草各三錢 煎湯下大補丸三十九

其大補丸炒煖用

薏苡仁散 治筋脉拘挛及風濕痺 薏苡仁一
斗搗散以水二升取末數匙作粥空腹食之衍
義云筋急拘挛有兩等內經大筋受熱則縮而
短故挛急不伸則可用薏苡仁若因寒筋急則
不可用也

有寒挛 經曰寒多則筋挛骨痛

本事云張德操內子昔患筋挛脚不得伸屈逾年
動則令抱持求醫于泗水楊吉老曰此筋病下

三方一年而愈

治筋極養血地黄丸 春夏服之

熟地 蔓荊 各

分山茱萸 狗脊 地膚子

白朮 乾漆

鱒糟炒 天雄 車前子 各三

葶藶 山芋 山即

藥澤瀉 牛膝 各一

為末煉蜜丸桐子大每

服七十九酒下

治筋痺肢節束痛羚羊湯 秋服之 羚羊角 肉桂

附子 獨活 各一兩 白芍藥 防風 芍藥 各

兩 每服五七錢水煎姜三片下日三服

治寒冷濕痺留于筋脉縮不能轉側烏頭湯之冬用

大烏頭 細辛 川椒 甘草 秦朮 附子

官桂 白芍各七分 乾姜 防風 當歸 白茯苓

苓各二兩 獨活錢半 每服三錢 水煎服

千金薏苡湯 治筋挛不可屈伸 苡仁 白欬

芍藥 桂心 乾姜 酸枣仁 甘草 牛膝

各一兩 附子枚三 醇酒二斗 漬一宿 微火煎三

沸 每十升 日三服 扶杖起行 不耐酒服 五合

活血通經湯 董監軍膈雪初霽因事到真定忽

覺風氣暴作六脉俱弦甚按之洪實有力其症

手挛急大便閉澀面赤熱此風寒始加于身也

四肢者脾也風寒傷之則挛痺乃風淫未疾而

寒在外也內經云寒則筋挛正此謂也平素多

酒實熱乘於腸胃之間內則手足陽明受邪外

則足太陰脾經受風寒之邪用桂枝甘草以却

其寒邪而緩其急搗用黃柏之苦寒以瀉實熱

而潤燥急救腎水用升麻乾葛以升陽氣行手

足陽明之經不令遏絕更以桂枝辛熱入手陽

明之經為引用潤燥復以芍藥甘草專補脾氣使不受風寒之邪而退木邪專益肺金也加人參以補元氣為之輔佐加當歸身去裏急而和血潤燥名之曰活血通經湯 升麻 葛根 當歸 人參 甘草 各一錢 桂枝 黃柏 酒炒 各一錢 白芍藥 五分 水煎熱服令煖房中近火摩搓其手乃愈

虛攣 經所謂虛邪搏於筋則為筋攣又云脈弗榮則筋急 仲景云血虛則筋急此皆血脈弗

榮于筋而筋成攣故丹溪治攣用四物加減本

丹溪治一村夫背偃倮而足攣已成廢人脈之兩

手皆沉弦而瀋遂以戴人煨腎散與之上吐下

瀉過月餘又吐瀉交作如此凡三帖然後平復

煨腎散 甘遂末三錢積猪腰子細批破薑椒瀝

透摻藥末在內荷葉包裹火內燒熟溫酒嚼下

蒼耳湯 治風濕痺四肢拘攣 蒼耳子 兩 搗末

水一升半煎七分服 木瓜粥裹筋痛處佳

方見鶴膝

○丁身盡痛

綱目云丁身盡痛其病暴似傷寒屬濕痺並見傷寒太陽症門其留連難已者於此求之寒而丁身痛者甘草附子湯熱而痛者當歸拈痛湯

甘草附子湯

治風濕相搏骨節煩疼掣痛不能

屈伸近之則痛劇汗出短氣小便不利惡風不

欲去衣或身微腫者 甘草 白木 桂枝

附子炮一枚 分四帖水煎服 活人書云

身腫者加防風丁兩悸氣小便不利者加白茯苓丁兩半

東垣當歸拈痛湯

治濕熱相搏肩背沉重疼痛

上熱胷膈不利及遍身疼痛 方見脚氣門

東垣麻黃桂枝升麻湯

李夫人患渾身麻木睡

竟則少減開目又則全已閉目則麻復至此症

用藥已全去又因家事不和心中煩惱遍身骨

節疼身體沉重飲食減少腹中氣不轉運

麻黃 人參 升麻 黃芪各五分 桂枝 甘草

炙白木 茯苓 澤瀉各三 陳皮 半夏 草

薤菖 厚朴 黃柏 附子各二 木香 生姜

各一分 水煎熱服

本事方 治遍身皆痛如勞者若傷寒身躄痛者

不可服但少年虛損冷憊老人諸疾皆治之

人參 黃芪 附子炮 甘草 木香 羌活

知母 芍藥 川芎 前胡 枳殼 桔梗

白木 當歸 茯苓 半夏各五錢 柴胡 鱉甲

醋炙各一分 酸枣仁 桂心各三分 杏仁炒五分 每服

二錢姜片烏梅三 葱白寸三 同煎空心服

○產後身痛

薤曰起痛散 產後氣弱血滯遍身疼痛身熱頭

疼 當歸 牛膝 桂心 白木 黃芪 獨

活 生姜各五錢 甘草 薤白各三錢五分

每服五六錢水煎

五積散加酒煎 治感寒頭疼身痛 方見傷寒

與四物湯各半服之治一身痛甚穩加挑仁治

腰痛逐敗血去風濕

大全牛膝散 產後遍身青腫疼痛及衆疾

牛膝 大麥芽為細末以新瓦罐子中填一層

麥芽一層牛膝如此填滿用鹽泥固濟火煨赤

放冷研末但是產後諸疾熱酒調下二錢

金棗丹 治一切風疾等症 川烏皮生用去 兩頭

尖 防風 白芷 獨活 蔓荊子 荆芥各四

丙 白朮 羌活 細辛各五錢 全蝎 姜蚕

天麻 葳靈仙各二兩 雄黃 木香 乳香各兩

蒼木八兩 川芎五兩 何首烏一兩 沒藥 草

烏各一兩 藁本二兩 當歸三兩 右末糯米糊九

束各一兩 大金丹為衣每服一錠傷風流涕好酒

化下 中風不語生姜湯下 左癱右瘓好

酒調下 白虎歷節風遍身走痛生姜湯或

好酒下 破傷風昏倒在地牙關緊急好酒

調服仍磨敷患處 雷頭風并乾癬麻痺濕

酒調服洗頭酒服 偏正頭風及夾腦風研

末吹鼻中吐涎再用生姜汁調藥塗兩太陽

穴仍用茶清調服 風狗咬傷噙水洗淨敷

赤火朱

之 蜈蚣傷 噲水洗過敷之 蛇傷入白礬
少許敷患處就以津唾調搽亦可 蝎咬唾
調搽 痔漏口漱漿水洗過敷之 多年惡
瘡口不合者口漱鹽水洗過敷之徐收 喘
嗽桑白皮湯調服 紅絲魚眼褲脚腦疽發
背疔瘡裡外癰瘡用自已小便洗過并水調
敷薄紙貼上用兼外搽之 丹瘤并花水
調藥賊毛掃二三三次 不發灸瘡噲水洗過
貼上二三起發方止 大官瘡少溪具馭閱校終

赤水玄珠第十七卷目錄

內傷門


傷飲 傷食 不能食

積聚門

附五臟積方 石瘕 腸覃



國家圖書館, NATIONAL CENTRAL LIBRARY, TAIWAN, R.O.C.



傷辨惑已詳之矣夫有餘當消不足當補天壤懸絕症涉疑似而又溷為一門恐初學於有餘中之不足不足中之有餘及絕有餘純不足之証茫無分別則用藥未免有虛實之悞予故所以另標為一門庶幾易於尋治也且以此証所患甚多緊關妙處只三節隨輕重緩急治之百發百中初食傷之時填塞胸膈脹滿疼痛急宜用吐法吐而出之緣食未入於胃停積膈間吐之甚易經謂在上者因而越之是也食已

下膈入胃則不可用吐法強吐之亦不能盡出又不宜遽用下藥下之早則傷中氣胃既為飲食所傷又復能受藥之傷乎而清純沖和之氣并為之下陷故曰雜病酒積下之早亦作痞氣惟當健脾胃消導俟其盡入大腸而痛在臍腹乃可用下法下之經謂在下者引而竭之是也皆順其勢而利導之殊易為力故治亦無所悞也

東垣曰陰陽應象論云水穀之寒熱感則害人亦

腑痺論云陰氣者靜則神藏躁則消亡飲食自倍腸胃乃傷此乃混言之也分之為二飲也食也飲也者水也無形之氣也因而大飲則氣逆形寒飲冷則傷肺肺病則為喘咳為腫為水瀉輕則當發汗利小便使使上下分消其濕解醒湯五苓散生姜半夏枳實白朮之類是也如重而蓄積為物也有形之血也如生氣通天論云因而飽食筋脉橫解腸癖為痔又云食傷太陰厥陰寸口大於人迎兩倍三倍者或嘔吐或痞滿

或下痢腸澼當分寒熱輕重治之輕則內消重則除下如傷寒物者半夏神麴乾姜三稜廣茂巴豆之類主之如傷熱物者枳實白朮青皮陳皮麥蘗黃連大黃之類主之亦有宜吐者陰陽應象論云在上者因而越之瓜蒂散之屬然而不可過劑過則反傷腸胃蓋先因飲食自傷又加之藥過故腸胃復傷而氣不能化食愈難消矣漸至羸困故五常正大論云大毒治病十去其六小毒治病十去其七常毒治病十去其

八無毒治病十去其九不可過之以聖人之深戒傷飲多以五苓散為主

○五苓散

治飲煩渴飲水過多或水入即吐心中

澹澹停濕在內小便不利方見暑門治傷

冷飲者煎五苓散送半夏枳木丸治傷飲不

惡寒胸中微覺發悶身重飲食不化者或小便

不利者五苓散去桂依前斟酌服之如痰熱

在裏身發黃疸食前濃煎茵陳湯調服愈

除濕散

傷馬牛乳酪及冰水一切冷物

半夏湯炮

乾姜各三錢

車前子炒

澤瀉各五錢

甘草

紅花各二錢

茯苓七錢

右為細末每服二錢食前白湯調下

導飲丸

治水飲

吳茱萸三錢

白茯苓

蒼朮

黃連各一兩五錢

獨活七錢

右為細末

神麴糊丸服

丹溪茱萸丸

治水飲

白滑石六兩

甘草

吳茱萸各一兩

水丸服

○傷酒

東垣曰酒者太熱有毒氣味俱陽乃無形之物也

若傷之只當發散汗出則愈矣其次莫如利小便
便乃上下分消其濕今之病酒者往往服酒癥
丸太熱之藥下之又有用牽牛太黃下之者是
無形元氣受病反下有形陰血垂悞甚矣酒性
太熱已傷元氣而復重瀉之亦損腎水真陰及
有形陰血俱為不足如以則陰血愈虛真水愈
弱陽毒之熱大旺反增其陰火是以元氣消燦
折人長命不然則虛損之病成矣酒癥下之
必為黑疸慎不可犯宜以葛花解醒湯主之

王海藏曰治酒病宜發汗若只利小便炎熯不肯
下行故曰小便則發之以辛溫散之是從其躰
性也是知利小便則濕去熱不去若動太便尤
為踈陋蓋太便者有形質之物酒者無形之水
從汗而發之是為近理濕熱俱去故治以苦溫
發其火也佐以苦寒除其濕也

統旨曰傷酒惡心嘔逆吐出宿酒昏胃眩暈頭痛
如破宜二陳湯加黃連乾葛煎服或沖和湯縮
脾湯五苓散用乾葛煎湯調服又困於酒遂成

酒積腹痛泄瀉或暴飲有灰酒亦能致之並宜
酒煮黃連丸○多飲結成酒癖腹中有塊隨氣
上下冲和湯加黃連蓬朮酒停胸膈為痰飲者
枳實半夏湯加麴孽用吐法尤妙

劉宗厚曰酒者是有形之物即水飲同躰也今言
無形元氣受病不得傷于有形陰血者蓋謂酒
者濕熱之物入胃則臟氣俱熱逐氣升降之際
而半有消耗之矣至傷於腸胃則升之不散降
之不下鬱於氣分無形之地位故言無形之物

非若水飲性躰全降於腸胃中也若今人之飲
醇酒則便少以其可驗是以傷則宜汗之瀉之
不得用重峻下劑蓋以等藥不能入氣分反傷
有形陰血耳但斯意隱然使人不能無疑故或
有辨之者茲不復具然昔人有用下劑者蓋或
有酒飲傷積日久而汗之泄之不能愈則重峻
下劑而或可哉故用者自宜對症詳審勿以辭
害意可也

東垣葛花解醒湯

飲酒太過嘔吐痰逆心神煩

亂胸膈痞塞手足戰搖飲食減少小便不利
 青皮分三木香分三橘紅分五人參分五茯苓分五猪苓分五
 各一錢神麴炒澤瀉炒乾姜炒白朮各二白苝菟
 葛花各五砂仁各五右為細末每服三錢白湯調
 下但得微汗則酒病去矣以蓋不得已而用
 之豈可恃此酣飲成病自損元氣惟病酒者宜
 之

卅溪烏梅丸 治酒毒化痰消食 烏梅斤一
 半夏各八白礬各八生薑各二右為細末以新瓦

二片夾定火焙三日夜為度次入神麴麦芽陳
 皮青皮蕤朮枳殼下皮木腹子各四兩糊丸每
 服四五十丸姜湯下

潔古百杯丸 酒停胸中膈氣痞滿面色黃黑將
 成癯疾飲食不進日漸羸瘦如欲飲者先服不
 醉 生薑一斤去皮切片以鹽橘紅各乾姜各
 兩木香二兩茴香一兩廣茂一兩益智仁二兩
 丁香五錢砂仁一錢白豆蔻各三甘草各三稜各
 錢二右煉蜜丸每一兩作五丸硃砂為衣姜湯

嚼下

酒煮黃連丸 方見下血門

濟世方酒積烏梅丸 烏梅一兩

青木香錢四砂仁

錢五巴豆霜錢一

半夏麴錢七枳實錢五

杏仁錢三

黃連浸一兩宿

右餅餅糊為丸菜菔大每服八

丸白湯下

傷食

至生子曰傷食痛急者用前上中下三法不痛而發熱頭疼痞悶者究其所傷何物寒熱孰多而

為之治今收各家方法詳列於後東垣脾胃論中已具者茲

不復入但于彼參治可也

飛溪曰傷食惡食者胸中有物宜導痰補脾用二

陳湯加白朮山查川芎蒼朮服之

憂抑傷脾不思飲食炒黃連酒炒芍藥同清木

丸末加香附以姜汁浸蒸餅糊為丸服

統旨曰傷食胸膈痞塞吐逆噯酸噫敗外臭畏食

頭疼發熱惡寒病似傷寒但身不痛氣口脉緊

盛治中湯加砂仁或十香丸

潔古枳朮丸

治痞積消食強胃

王海藏云本仲景枳朮湯也今易老改為丸治

老幼虛弱飲食不化或臟腑軟弱者

枳實去白炒一兩白朮二兩右為末荷葉包燒飯為

丸桐子大每服五十九丸白朮湯下服白朮者本

意不取其食速但久服令人胃氣強食不復傷

也

麩孽枳朮丸

為入強食所致心胸滿悶不快

神麩炒麥孽炒枳實炒各一兩白朮二兩

右為末荷葉燒飯為丸每服五十九丸

木香枳朮丸 破滯氣消飲食開胃

木香 枳實各一兩白朮二兩照上法為丸服

又方 開胃進食 木香三錢人參 乾姜各一錢

枳實一兩白朮二兩為末照上法為丸白湯吞

五十九丸

檳榔丸 消食破滯氣 檳榔三錢木香 人參各二錢

陳皮五錢甘草一錢右蒸餅糊為丸每服五

十九丸

羅太無檳榔木香丸 疎三焦寬胸膈破痰飲快
意潤腸方在氣門

丹溪保和丸 治食積酒積 山查肉一兩半夏製姜

蘿蔔子炒黃連姜汁橘紅 神麴各五錢麦芽炒

右神麴糊為丸每服七八十九姜湯下

大安丸 脾經消導之劑 山查二兩神麴炒半夏

製茯苓各一兩陳皮 連翹 蘿蔔子炒各五錢白木

白木丸 治傷豆粉濕麴油膩之物

白木 半夏製神麴 枳實各一兩橘紅七錢黃芩

五錢 枯礬三錢 右浸蒸餅糊為丸量所傷多寡加

減服之如素食多用乾姜故以黃芩瀉之

半夏枳朮丸 治因冷食內傷 半夏製姜枳實

炒白木各一兩右末荷葉飯為丸下方有澤瀉

木香三錢乾姜炮五錢枳實炒一兩白木二兩

右荷葉飯為丸每服五十丸

丁香爛飯丸 治食傷太陰又治卒心痛胃疼